

Berenburgi ac Servestæ etc.  
 Domino suo Clemen-  
 tissimo  
 in  
 Felicissimum novi anni auspicium.

Vetus quandoquidem recessit annus,  
 Affectatq̄. viam novus vicissim;  
 Quô nomenq̄. tuum tuasq̄. laudes  
 Sat dignè, DEUS, efferamus ore?  
 Quâ linguâ meritas tibi canamus.  
 Grates, quod rabidi furore Martis  
 Repressô, Patriamq̄. Principemq̄.  
 Nostrum jusseris esse salvum eô ipsô,  
 Qui cursus modò finijt peractos,  
 Annô? Te, DEUS, ô supreme Custos,  
 Supplex deveneror, velis et isthòc,  
 Faustô qui pede iam subintrat, annô  
 Benignus Patriamq̄. Principemq̄.  
 Ab omni iugiter malô tueri,  
 Et cunctis pariter bonis beare. [11v]  
 Fac, canas oleâ virente cincta  
 Comas Pax, simul et Dice verenda  
 Felices veteris colant ANHALTI  
 Colles, ceu proprias domus, perennà.  
 Fac, sub CHRISTIANO beata nostrô  
 CHRISTI Relligio subinde crescat,  
 Longeq̄. impietas, fugetur omnis.  
 Fac tandem, velut omine auspicatô  
**Immutabilis**<sup>1</sup> audit ille Princeps;  
 Sic annus fluat hic tenore eodem  
**Immutabiliter** secundus Ipsi,  
 Et Costæ, et Soboli utriusq̄. Sepus,  
 Quotquotq̄. ASCANII tabit sub auras  
 Illustrissima sanguinis pro pago!

Humilimi ac devotissimi ad-  
 fectus contestandi ergò gra-  
 tulabundus f. Berenburgi  
 ipsis Calendis Januarij  
 Ao 1641.<sup>2</sup>  
 Joach. Mechovius I.U.D.

K 1 Joachim Mechovius (FG 483. 1647), fl.-anhalt-berenburg. Kammerrat seit dem 5. 12. 1639, s. *Christian: Tageb.* XV, Bl. 236v. Mechovius weist auf die geplante Kurzreise